

არასამეწარმეო (არაკომერციული) იურიდიული პირი - „თეთრიწყაროს
განვითარების ფონდი“

წ ე ს დ ე ბ ა

ქ.თეთრიწყარო
2018 წელი

არასამეწარმეო (არაკომერციული) იურიდიული პირი - „თეთრიწყაროს
განვითარების ფონდი“ - წესდება

მუხლი 1
ზოგადი დებულებები

- 1.1. არასამეწარმეო (არაკომერციული) იურიდიული პირი „თეთრიწყაროს განვითარების ფონდი“ არის კერძო სამართლის არასამეწარმეო (არაკომერციული) იურიდიული პირი, რომელიც შექმნილია საქართველოს ორგანული კანონის „ადგილობრივი თვითმმართველობის კოდექსი“ საფუძველზე, საქართველოს კანონმდებლობის მოთხოვნათა შესაბამისად და მისი მიზანია მუნიციპალიტეტის განვითარების ხელშეწყობა.
- 1.2. „თეთრიწყაროს განვითარების ფონდი“-ს დამფუძნებელია თეთრიწყაროს მუნიციპალიტეტი, (საიდენტიფიკაციო კოდი 230869254, რეგისტრაციის სერია რსთ#121/472963, რეგისტრირებული რუსთავის საგადასახადო ინსპექციის მიერ, 2006 წლის 29 ნოემბერი) რომლის წარმომადგენლობაზე უფლებამოსილი პირია მუნიციპალიტეტის მერი გიორგი ქორიძე. (დაბადებული 11.11.1973 წელი ქ. თბილისი, საქართველოს მოქალაქის პირადობის მოწმობა პირადი N01005006041 არჩეული თეთრიწყაროს მუნიციპალიტეტის მერად 2017 წლის 01 ნოემბერს.)
- 1.3. „თეთრიწყაროს განვითარების ფონდი“ ხელმძღვანელობს „საქართველოს საქართველოს კონსტიტუციით“, საქართველოს სამოქალაქო კოდექსით“ საქართველოს ორგანული კანონით „ადგილობრივი თვითმმართველობის კოდექსი“ ამ წესდებით და მოქმედი კანონმდებლობის შესაბამისად.
- 1.4. „თეთრიწყაროს განვითარების ფონდი“ შექმნილია განუსაზღვრელი ვადით.

მუხლი 2
სახელწოდება, იურიდიული მისამართი და სტატუსი

- 2.1. „თეთრიწყაროს განვითარების ფონდი“-ს სრული სახელწოდებაა - არასამეწარმეო (არაკომერციული) იურიდიული პირი „თეთრიწყაროს განვითარების ფონდი“.
- 2.2. სამსახურის იურიდიული მისამართი: საქართველო, თეთრიწყაროს მუნიციპალიტეტი, ქ. თეთრიწყარო, რუსთაველის ქ. #9.
- 2.3. „თეთრიწყაროს განვითარების ფონდი“-ს გააჩნია იურიდიული პირის ყველა ატრიბუტი, ბეჭედი, დამოუკიდებელი ბალანსი, საბანკო ანგარიშები და სხვა.
- 2.4. „თეთრიწყაროს განვითარების ფონდი“-ს ელექტრონული მისამართია: ელ.ფოსტა labakhua@icloud.com ტელეფონი: 599084424

მუხლი 3
„თეთრიწყაროს განვითარების ფონდი“-ს საქმიანობის მიზნები

- „თეთრიწყაროს განვითარების ფონდი“-ს მიზანია:
ა) მუნიციპალიტეტის განვითარების ხელშეწყობა.

- ბ) მართვის ისეთი მექანიზმის დანერგვა, რომელიც ხელს შეუწყობს ამ წესდებით დასახული მიზნების მიღწევას;
- გ) საქართველოსა და უცხოეთის მოქალაქეებისა და ორგანიზაციების ფულადი შემოწირულობებისა და სხვა ფინანსური საშუალებების მოზიდვა.
- დ) მუნიციპალური ან სხვა წყაროებიდან მიღებული სახსრებით მუნიციპალიტეტის განვითარებისათვის საჭირო პროექტების განხორციელება.
- ე) ყველა სხვა საქმიანობა რომელიც არ არის აკრძალული საქართველოს კანონმდებლობით.

მუხლი 4

„თეთრიწყაროს განვითარების ფონდი“-ს მართვა

- 4.1 „თეთრიწყაროს განვითარების ფონდი“-ს ხელმძღვანელობს დირექტორი, რომელსაც თანამდებობაზე ნიშნავს და ათავისუფლებს თეთრიწყაროს მუნიციპალიტეტის მერი.
- 4.2 „თეთრიწყაროს განვითარების ფონდი“-ს დირექტორი:
- ა) თეთრიწყაროს მუნიციპალიტეტის მერთან შეთანხმებით კანონმდებლობით დადგენილი წესით შეიმუშავებს საშტატო განრიგს და სახელფასო ფონდს.
 - ბ) მუნიციპალიტეტის მერის თანხმობით უფლებამოსილია შეიძინოს და გაასხვისოს „თეთრიწყაროს განვითარების ფონდი“-ს ფუნქციონირებისათვის აუცილებელი ძირითადი ქონება;
 - გ) კანონმდებლობით დადგენილი წესით დებს ხელშეკრულებებს ფიზიკურ და იურიდიულ პირებთან „თეთრიწყაროს განვითარების ფონდი“-ს სახელით.
 - დ) მოქმედი კანონმდებლობისა და არასამეწარმეო (არაკომერციული) პირი „თეთრიწყაროს განვითარების ფონდი“-ს წესდების შესაბამისად, განაგებს დაწესებულების ქონებასა და ფინანსებს, ხელს აწერს საფინანსო დოკუმენტაციას;
 - ე) უფლებამოსილია დაწესებულების სამუშაო პროგრამის ფარგლებში კავშირი დაამყაროს სხვა დაწესებულებებთან;
 - ვ) პასუხისმგებელია სანიტარული და ხანძარსაწინააღმდეგო ნორმების უსაფრთხოების დაცვაზე.
 - ზ) კომპეტენციის ფარგლებში გამოსცემს ინდივიდუალურ-ადმინისტრაციულ სამართლებრივ აქტს.
 - თ) „თეთრიწყაროს განვითარების ფონდი“-ს დირექტორი ანგარიშვალდებულია მუნიციპალიტეტის მერის წინაშე.
 - ი) მუნიციპალიტეტის მერს წარუდგენს ყოველწლიურ ანგარიშს გაწეული სამუშაოს შესახებ.
- 4.3 „თეთრიწყაროს განვითარების ფონდი“-ს კონტროლი:
- „თეთრიწყაროს განვითარების ფონდი“-ს კონტროლს ახორციელებს თეთრიწყაროს მუნიციპალიტეტის მერი, მერიის შიდა აუდიტის სამსახურის მეშვეობით.

მუხლი 5

„თეთრიწყაროს განვითარების ფონდი“ -ს ფინანსური სახსრები

5.1. „თეთრიწყაროს განვითარების ფონდი“ -ს დაფინანსების წყაროებია:

ა) ადგილობრივი ბიუჯეტიდან გამოყოფილი მიზნობრივი სახსრები.

ბ) საქართველოსა და უცხოეთის მოქალაქეებისა და ორგანიზაციების ფულადი შემოწირულობები და გადმოცემული ქონება.

გ) გრანტები, სესხები, ტრანსფერები.

დ) საქართველოს კანონმდებლობით ნებადართული სხვა შემოსავალი.

5.2 ამ მუხლში ჩამოთვლილი ფინანსური სახსრები გამოიყენება მხოლოდ „თეთრიწყაროს განვითარების ფონდი“-ს წესდებით განსაზღვრული მიზნებისა და ამოცანების განხორციელებისათვის.

5.3 „თეთრიწყაროს განვითარების ფონდი“ ვალდებულია კანონმდებლობით დადგენილი წესით აწარმოოს საფინანსო - ეკონომიკური საქმიანობის აღრიცხვა-ანგარიშგება და შეადგინოს ბალანსი.

მუხლი 6

საქველმოქმედო შენატანი

6.1 არასამეწარმეო (არაკომერციული) იურიდიულ პირს „თეთრიწყაროს განვითარების ფონდი“ თავისი საქმიანობის განხორციელების მიზნით უფლება აქვს მიიღოს საქველმოქმედო შენატანი ფიზიკური და იურიდიული პირებისგან.

6.2 საქველმოქმედო შენატანი შესაძლოა შეტანილი იქნეს როგორც ფულად ისე არაფულადი (სხვა მატერიალური ფასეულობების) სახით, ნებისმიერ ვალუტაში, ნებისმიერი ოდენობით.

6.3 საქველმოქმედო შენატანის შეტანა ეფუძნება ნებაყოფლობის პრინციპებს.

6.4 საქველმოქმედო შენატანის უკან დაბრუნების მოთხოვნა შემტანის მიერ ან შენატანის განაწილება გამგეობის წევრებს შორის დაუშვებელია.

მუხლი 7

ლიკვიდაცია/რეორგანიზაცია

7.1. არასამეწარმეო (არაკომერციული) იურიდიულ პირის „თეთრიწყაროს განვითარების ფონდი“ -ს რეორგანიზაცია ხორციელდება საქართველოს კანონმდებლობით დადგენილი წესით, თეთრიწყაროს მუნიციპალიტეტის მერის გადაწყვეტილებით.

7.2. არასამეწარმეო (არაკომერციული) იურიდიულ პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის 38 მუხლის შესაბამისად.

7.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.

7.4. დამფუძნებელთა/წევრთა გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

7.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავენ არასამეწარმეო (არაკომერციული) იურიდიული პირის დამფუძნებლები/წევრები. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:

ა) გასხვისება ხელს უწყობს მის მიერ დასახული მიზნების განხორციელებას;

ბ) ემსახურება საქველმოქმედო მიზნებს;

გ) ქონება გადაეცემა სხვა არასამეწარმეო (არაკომერციულ) იურიდიულ პირს.

7.6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის.

7.7. თუ არასამეწარმეო (არაკომერციული) იურიდიული პირის დამფუძნებლებმა/წევრებმა არ განსაზღვრეს ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

7.8. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 8 დასკვნითი დებულებები

8.1. წინამდებარე წესდება ძალაში შედის თეთრიწყაროს მუნიციპალიტეტის მერის მიერ წესდების დამტკიცების შესახებ ბრძანებისა და წესდების ხელმოწერისთანავე.

8.2. თუ ამ წესდების (დამფუძნებელთა/წევრთა შეთანხმების) რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

8.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

8.4 წესდება შედგენილია ქართულ ენაზე 3 (სამ) იდენტურ ეგზემპლარად, რომელთაგან ერთი ინახება სამსახურის დამფუძნებელთან, მეორე დირექტორთან და მესამე საქართველოს იუსტიციის სამინისტროს საჯარო რეესტრის ეროვნულ სააგენტოში.

მუნიციპალიტეტის მერი



გიორგი ქორიძე